

Scriptures

Mangakui Kitta'è - Confession Scriptures

Matius 6:10 Iko ritu Arutta. Tennapodo mapparènta-Ko ri linoè, na èlo-Mu riturusi pada-pada ri surugaè.

Markus 9:24 Matteruni gora iyaro ambo'na anana'è, "Puwang, mateppe'ka, iyakiya makurang ateperekku. Tulukka kuwammengngi napèdè' mateppe'ka!"

Lukas 11:2 Nakkeda Yèsus lao ri mennang, "Rèkko masempajakko, powadai makkuwaèwè, 'Ambo', Iko ritu Jehovah iya Sèuwaè. Tennapodo risompa-Ko sibawa ripakalebbi.

Yohanes 14:6 Nappèbali Yèsus, "Iyya'na laleng untu' missengngi Jehovah sibawa lolongengngi atuwongngè. Dè' sèddi tau mullèi lao ri Ambo'è, rèkko dè' naola-Ka.

Yohanes 17:15 Dè' Uwèllauwi kuwammengngi Ambo'è malai mennang polè ri linoèwè, iyakiya Uwèllauwi kuwammengngi Ambo'è jagaiwi mennang polè ri majaè.

Yakobus 4:8 Addeppèriwi Jehovah, nanaddeppèri tokko matu Jehovah. Paccingiwi limammu, iko iya madosaè! Sibawa cinnongiwi atimmu, iko iya mappakka atiè!

Roma 6:12-14 Aja'na muleppessangngi dosaè kuwasaiwi atuwommu iya dè'è namannennungeng ri linoè, kuwammengngi aja' muturusiwi pangèloremmu iya majaè. 13 Aja'to muwabbèrèyangngi anggota tubummu lao ri akuwasanna dosaè untu' riyakkègunang lao ri akkatta-akkatta majaè. Iyakiya abbèrèyangngi alèmu lao ri Jehovah selaku sining tau iya puraè ripalèttè polè ri amatèngngè lao ri atuwongngè. Abbèrèyang manengngi alèmu lao ri Jehovah kuwammengngi nariyakkègunang untu' èlona Jehovah. 14 Dè' nawedding dosaè makuwasaiko, nasaba dè'na mutuwo riyawana hukkunna agama Yahudie iyakiya ri yawana pammasèna Jehovah.

Ibrani 9:28 Makkuwatoro Kristus sisemmi riyakkasuwiyangeng selaku akkarobangeng untu' leddai dosana maèga tau. Maèloi polè paimeng mabbèkkaduwanna, tenniya untu' pacceppiwi persoalang dosaè, iyakiya untu' passalama'i sining tau iya tajengngèngngi apolèn-Na.

1 Yohanes 1:9 Iyakiya rèkko tangakuiwi dosa-dosata lao ri Jehovah, narupaiwi matu jancin-Na sibawa napogau'i aga iya adèlè'è. Naddampengengngi dosa-dosata sibawa napèpacchingiki polè ri sininna

pangkauketta iya salaè.

Ezra 9:7; Danièl 9:8,9 Confess sins (dosa) of fathers & rulers.

Ezra 9:13 Jehovah not punish as we deserve.

Nèhèmia 9:2 confess sins (dosa) of fathers.

Mazmur 24:3,4 clean hands, and a pure heart stand before Jehovah.

Yèsaya 59:2 sin (dosa) separates from Jehovah.

Yèsaya 64:6 our righteousness as filthy rags.

Yèrèmia 5:25 sin (dosa) withholds blessings.

Naddampengeng Kitta'è - Forgiveness Scriptures

**Matius 6:12-15 Addampengekki polè ri asalatta, pada-padato pura
riyaddampengenna tau iya pasalaè ri idi. 13 Aja' taleppessakki
ateddèngeng ateppereng wettutta ricobai, iyakiya taleppessakki polè ri
akuwasanna iya mappèjariyè. Ikona Arung makuwasa sibawa malebbi
lettu mannennungeng. Amin.' 14 Rèkko muwaddampengengngi tau iya
pasalaè ri iko, Ambo'mu ri surugaè naddampengeng towi matu asalammu.
15 Iyakiya rèkko dè' muwaddampengengngi asalanna tau laingngè,
Ambo'mu ri surugaè dè'to matu naddampengengngi asalammu."**

**Matius 18:21,22 Nainappa laoni Pètrus ri Yèsus nanakkutana, "Puwang,
rèkko madosai silessurekku lao ri iyya, gangka wèkkasiyaga harusu'ka
maddampengengngi? Gangka wèkkapituga?" 22 Nappèbali Yèsus, "Dè', dè'
nagangka wèkkapitu, iyakiya wèkkapituppului wèkkapituè!**

**Matius 18:35 Natutu'ni curitana Yèsus sibawa ada-adaèwè, "Makkuwatoniyo
Ambo'-Ku ri surugaè nagaukekko matu tungke'-tungke', rèkko dè'
muwaddampengengngi silessuremmu sibawa masagagèna."**

**Markus 11:25,26 Narèkko masempajakko, iyakiya atimmu dè' namasennang
lao risèddiè tau, addampengengngi riyolo' iyaro tauwè, kuwammengngi
Ambo'mu ri surugaè naddampengeng towi dosa-dosamu. 26 Rèkko dè'
muwaddampengengngi tau laingngè, Ambo'mu ri surugaè dè'to
naddampengengngi matu dosa-dosamu."**

**Lukas 6:37 "Aja' muwadèlèkiwi tau laingngè, kuwammengngi nadè'to
nadèlèkiko Jehovah. Aja' muhukkungngi tau laingngè, kuwammengngi
naaja'to nahukkukko Jehovah. Addampengengngi tau laingngè,
kuwammengngi naddampengeng tokko Jehovah.**

**Lukas 11:4 Addampengengngi dosa-dosata, saba' riyaddampengeng towi
tungke' tau iya pasalaè ri idi. Sibawa aja' taleppessakki ateddèngeng
ateppereng wettutta ricobai.'**

Lukas 17:3,4 Rimakkuwannanaro atike'ko! Rèkko madosai silessuremmu, amparengngi. Rèkko massesse kalèi, addampengengngi. 4 Rèkko madosai lao ri iko wèkkapitu siesso, natungke napogau' polèi ri iko sibawa makkeda, 'Mèllau addampekka,' addampengengngi."

Lukas 23:34 Nasempajanna Yèsus, "Ambo', addampengengngi mennang! Dè' naissengngi mennang aga napogau'." Nabagè-bagèni kuwaro pakèyanna Yèsus ri yelle'na mennang sibawa naloterèi.

Riwaya'na Rasul-Rasul-E 8:22 Rimakkuwannanaro buwanni akkattamu iya majae, sibawa èllauni ri Puwangngè kuwammengngi naddampengengngi pikkirammu iya majae!

Roma 4:7 "Masennangngi tau iya riyaddampengengngè sining asalanna sibawa dosa-dosana purani nakuburu' Jehovah!

Efesus 1:7 Saba' amatènna Kristus, napaleppe'ki Jehovah, bettuwanna puraki Naddampengeng polè ri dosa-dosata.

Efesus 4:32 Sibalè'na, sitinajako makessing ati sibawa mapparessè babuwa sèddiè lao ri laingngè, sibawa sisullè siyaddampengeng pada-padato Jehovah maddampenekko naolai Kristus.

Kolose 1:14 Nasaba Ana'-Naro naripaleppe'ki; bettuwanna dosa-dosata riyaddampengenni.

Kolose 2:13-15 Riyolo, matèko secara rohani nasaba madosako, sibawa nasaba dè' narisunna'ko secara mallahèreng. Iyakiya makkekkuwangngè Jehovah patuwoko silaong Kristus. Purani naddampengeng Jehovah sininna dosata, 14 enrengngè leddai sure' inretta, iya mancangngèkki sibawa sara'-sara' iya matane'è. Ri laleng nasallina iyaro sure'è ri aju salliè, naleddai Jehovah sininna natenrekengngèkki. 15 Ri sallière, naèbbui Kristus sininna roh-roh iya mapparentaè sibawa makuwasaè mancaji dè'na pakkullènna. Ripancajiwi mennang akkita-itang ri tau maègaè wettunna Kristus tinrosiwi mennang selaku tawangeng ri laleng barisi' apakalan-Na.

1 Yohanes 1:9 Iyakiya rèkko tangakuiwi dosa-dosata lao ri Jehovah, narupaiwi matu jancin-Na sibawa napogau'i aga iya adèlè'è. Naddampengengngi dosa-dosata sibawa napèpacchingiki polè ri sininna pangkauketta iya salaè.

1 Yohanes 2:12 Uwokii lao ri iko, Ana'-ana', saba' riyaddampengenni dosamu nasaba Kristus.